



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

7503

г.р. Пустини

Результ

1903

329.14

7-13

ՀՐԱՏԱՐԱԿՈՒԹԻՒՆ «ՀԱՅ ՍՅԻԱԼ-ԴԷՄՕԿՐԱՏ ԿՈՒՍԱԿՅՈՒԹԵԱՆ»

Ե Ր . Պ Ա Լ Ե Ա Ն

«ՀԱՅ ՍՅԻԱԼ-ԴԷՄՕԿՐԱՏ ՄԻՈՒԹԻՒՆ»Ը

ԵՒ ԻՐ

«ՊՐՕԼԵՏԱՐԻԱՏ» ՕՐԳԱՆԸ

Գ Ի Ն Ը 60 Ս Ն Պ .

Հրատարակիչ

ԳԱՌՆԻԿ Գ. ՄԱԶՄԱՆԵԱՆ

ԲՈՒՍՉՈՒՔ

1903

Կազմիչ - ԳԱՌՆԻԿ Գ. ՄԱԶՄԱՆԵԱՆ

29:14

Պ-13

Руссе, Печатница „Побѣда.“

2010

ՅԶԵՎԻԳ
Պ-13
ՍԱՐԱԿՈՒԹԻՒՆ «ՀԱՅ ՍՅԻԱԼ-ԴԷՄՈԿՐԱՏ ԿՈՒՍԱԿՑՈՒԹԵԱՆ»

2001

ԵՐ. ՊԱԼԵԱՆ

— * —
«ՍՅԻԱԼ-ԴԷՄՈԿՐԱՏ ՄԻՈՒԹԻՒՆ»Ը

ԵՒ ԻՐ

«ՊՐՕԼԵՏԱՐԻԱՏ» ՕՐԳԱՆԸ

— * —
Հրատարակիչ

ԳԱՌՆԻԿ Գ. ՄԱԶՄԱՆԵԱՆ

1903

ԲՈՒՍՉՈՒՔ

Տպագրիչ - ԳԱՌՆԻԿ Գ. ՄԱԶՄԱՆԵԱՆ

„ՀԱՅ ՍՕՅԻՍԱԼ-ԳԵՄՈՎՐԱՏ ՄԻՈՒԹԻՒՆ՝Ը

ԵՒ ԻՐ

„ՊՐՈԼԵՅԱԲԻՆՑ” ՕՐԳԱՆԸ

Սրանից 3—4 տարի առաջ կովկասի մէջ առաջին անգամ անգլի ունեցան գործազուլներ յատկապէս երկաթուղային բանուորների մէջ, եւ աօնեցաւ Մայիս Մէկը Թիֆլիզի մէջ զազանի, քաղաքից դուրս եւ փոքրաթիւ խմբերի մասնակցութեամբ: Այնուհետեւ 1900 ին գործազուլները դարձան յաճախակի—եւ այս կերպ սկսեց կովկասեան բանուորական շարժումը: Անկասկած այդ շարժումը շատ աննշան էր հասարակական կեանքի ազմուկի մէջ մինչեւ 1901 Մայիս Մէկը, երբ կատարեց առաջին բանուորական հրապարակական մանիֆէստացիան: Այդ ժամանակից բանտերի, աքսորի, սրի, գնդակի, մտրակի եւ մասնութիւնների արհաւիրքների մէջ, զազանի եւ ճնշւած սկսեցին ծաւալել բանուորական խմբերն եւ սօցիալիստական պրօպագանդան: Առանց քննելու այստեղ թէ իրանց սկզբնաւորութեան մէջ ի՞նչ են ներկայացնում այդ խմբերն ընդհանրապէս եւ հայ բանուորները մարնաւորանկէն, այժմ մեզ համար կարեւոր է միայն հաստատել որ կովկասի պրօլետարիատը սկսում է հրապարակ ելնել իբրեւ ուղղին դասակարգ: Սօսելով հայ բանուորների մասին, պարզ է որ այս իրողութեան հանդէպ հայերէն լեզուով սօցիալիստ գրականութեան զարգացումը հանդիսանում է իբրեւ իրա-



85110-Ա
258-9

577-92

կան պահանջ: Մինչև այժմ, չհաշված կոչերը, պտտահական թերթիկները եւ «Հնչակ»ի ազատ ժամերին հրատարակած երկու երեք աննշան բրօշուրները, էնդելսի «Գիտական սօցիալիզմ»ը միակ գրածքն էր, որից օգտուում էին հայ բանուորները, մի գրածք, որը հրատարակւած է ո՛չ հայ սօցիալիստների ձեռքով, այլ Հ. Յ. Դաշնակցութեան կողմից, թարգմանւած ո՛չ բնագրից, այլ սուսերէնից եւ լի ամեն տեսակ սխալներով: Բնական է որ այսչափը հաւասար է ոչնչի: Եւրոպական սօցիալիստ գրականութեան մօտիկ ճանաչումն, բնագրերից լուրջ թարգմանութիւններ եւ ինքնուրոյն աշխատութիւններ զեռ եւս բացակայում են Կովկասի մէջ:

Առաջին անգամն էր որ 1900 օգոստոսին ժընևեի մէջ երեւան եկաւ «Հանդէս» սօցիալիստական թէօրիական միամսեայ օրգանը, որն եւ առաջին անգամ ձեւնարկեց հայ սօցիալիստ գրականութեան զարգացման եւ հայ սօցիալիստ կուսակցութեան կազմակերպութեան գործին ինչպէս Կովկասի, նոյնպէս եւ Տաճկահայաստանի, Բուլղարիայի եւ Ամերիկայի մէջ, շօշափելով հայկական անտեսական-հասարակական խնդիրները եւ գիտականփիլիսոփայական բազմաթիւ հարցեր: «Հանդէս»ն ունեցաւ հինգ թիւ շուրջ 300 մեծագիր էջերով, մի «Երազիր Հայ Սօցիալ-Դեմօկրատ Կուսակցութեան» 32 էջերով, եւ Ֆրանսերէն տեղեկագիր ուղղւած 1900 ի Փարիզի սօցիալիստական Միջազգային կօնգրէսին: Սակայն այլեւայլ պատճառներով «Հանդէս»ը զազարեց, պատրաստ աջող պարագային նորից վերսկսել գործը:

Երկու եւ կէս տարի յետոյ, այսինքն 1902 հոկտեմբերին երեւան եկաւ մի նոր հայ սօցիալիստական պարբերական հրատարակութեան առաջին թիւը, որ կոչուում է «Պրօլետարիատ», եւ ունի 24 մեծագիր էջեր: Դրա մասին է մեր խօսքը:

«Պրօլետարիատ»ը սկսոււմ է մի «Մանիֆէստ»ով որը պարունակում է իր մէջ «Հայ Սօցիալ-Դեմօկրատ Միութեան» գաւանանքը, որպէս եւ յայտարարւած է այդ: Տեղի սղութիւնն անհնար է գործնում մէջ բերել ամբողջ «Մանիֆէստ»ը, որ ընդամենը 4 էջ է: Նոյն պատճառով մենք միանգամայն ստիպւած ենք չտիպազանց կրճատել մեր ասելիքները եւ յիշել միայն գլխաւոր կէտերը:

Նախ մենք պիտի ասենք հետեւեալը «Մանիֆէստ»ի ոճի ինչպէս նաեւ այն հարցի մասին թէ ո՞րքան այդ «Մանիֆէստ»ը ներկայացնում է իրանով լրիւ ձեւակերպումն սօցիալիզմի եւ Կովկասեան կեանքի: Յիշւած են արդեօք «Մանիֆէստ»ի մէջ ա՛յն բոլոր «տեղիաներ»ը որոնք պիտի ծառայեն իբրեւ «հիմունք» մի սօցիալ-տէմօկրատիական «ծրագրի»: Պարզ է որ մենք այս պահանջները չէինք ունենայ եթէ «Պրօլետարիատ»ն երեւան դար իբրեւ սոսկ տեղական մասնակի օրգան, զրազւած միայն բանուորական կազմակերպութիւնների աւօրեայ պէտքերով: Սակայն «Պրօլետարիատ»ը յայտարարում է իրան «Հայ Ա. Դ. Միութեան օրգան», որը նպատակ ունի կազմակերպել եւ զեկալարել Կովկասի Հայ բանուոր գասակարգն, իբրեւ կուսակցութիւն, եւ պարզել սօցիալիզմի թէօրիական հիմունքները: Նա հրատարակում է մի «Մանիֆէստ», որը նրան պիտի ծառայէ իբրեւ գաւանանք եւ ուղեցոյց թէ սօցիալիստական թէօրիական եւ թէ կովկասեան ընդհանուր խնդիրների վերարեբմամբ: Այս պարագային մեր պարտականութիւնն է լուրջ քննութեան ենթարկել «Պրօլետարիատ»ն եւ իր «Մանիֆէստ»ը:

Ինչ վերաբերում է ոճին, մենք պիտի նկատենք որ այն խակ ու հատուկտոր է, որը եւ մեծ պակաս է մի գրածքի համար, որովհետեւ ոճը պարզ ցոյց է տալիս թէ ի՛նչ աստիճանի մարսւած են գաղափարները եւ

թէ հեղինակն ի՛նչ չափով տիրում է իր նիւթին: Նոյնը պիտի ասենք եւ բովանդակութեան վերաբերմամբ, ուր առհասարակ մտքերն անաւարտ են եւ սակաս շատ անգամ զասաւորած խառն ի խուռն եւ անկապ, որով զբւածքը, զուրկ ամբողջութիւնից, միմեանց կցւած ծանօթ ֆօրմիւ չների կերպարանք է առնում:

Սկզբունքների ձեւակերպութեան մէջ «Մանիֆէստ»-ը բաց է թողել շատ կարեւոր կէտեր, որի համար եւ նա չափազանց խակ եւ ազքատ է: Բաւական չէ ասել թէ գիւզն անջատում է քաղաքից, թէ կազմում են խոշոր կեդրոններ, թէ խոշոր արդիւնաբերութեան զարգացման հետ երեւան եկան բուրժուազիա եւ սրբլետարիատ, թէ սօցիալ-դեմօկրատիան կազմակերպում է միջազգային բանւոր դասակարգը, եւ յեղափոխութեամբ պիտի հաստատէ հասարակական սեփականութիւն: (*) Էսպէս այսքանն է միայն ասւած, իսկ մնացածը մենք արդէն մէջ ենք բերել հատուածներով մեր քննադատութեան մէջ: Սակայն գիտական սօցիալիզմն ունի հիմունքներ, որոնց անհնար է չ՛յիշատակել այնտե՛ղ ուր խօսք կայ սօցիալիզմի ձեւակերպման մասին: Այսպէս, «Մանիֆէստ»-ի մէջ ոչ միայն բացակայում են շատ կարեւոր խնդիրներ, այլ եւ այնտեղ ոչ մի խօսք կայ ա՛յն էական կէտերի մասին թէ ապրանքի արժեքը (werth, valeur) որոշւում է նրա արդիւնաբերութեան համար գործ զբւած հասարակականօրէն անհրաժեշտ ժամանակով, թէ գրամագրութիւնը, որ կազմւում այդ ապրանքի փոխանակութեամբ, ուրիշ բան չէ բաց եթէ չ՛վճարւած աշխատանքի մասը կամ այն յաւելեալ արժեքը (Mehrwert, plus-value), որ կապիտալիստ գործարանատէրը լէզակ կերպով խլում է սեփականազուրկ բանւորից, թէ կապիտալիստական բէժիմի շարժիչն ու գործօնն է մրցուելը,

(*) «Պրօլետարիատ» թիւ 1 հոկտ. 1902 հջ 1—3

(Konkurrenz, concurrence) եւ արդիւնաբերութեան ու կապիտալի կեդրոնացումը (centralisation) աւելի եւ աւելի սակաս թւով խոշոր կապիտալիստների մօտ, որով անզաղար աճում է արդիւնաբերութեան համար կապիտալի անհրաժեշտ քանակը, եւ որի հետեւանքն է միջին խաւերի սրօլէտարիզացիան: (*) Այնտեղ ոչինչ չէ ասւած գերարդիւնաբերութեան (Uebersproduktion, surproduction) մասին, որը ներկայ կազմի հիմնական երեւոյթն է, իսկ կապիտալիստական արդիւնաբերութեան կրիզիսը (Krisis crise) յիշւած են միայն այսքան եւ այս կերպ. «կապիտալի կատաղի թռիչքները փոխանակւում են արդիւնաբերութեան ճգնաժամերով, փողոց չպրտելով հազարւոր բանւորներ» (**): Անա այս կարեւոր սկզբունքների բացակայութիւնը միանգամայն անհիմն եւ անկատար է զարձնում ա՛յն սօցիալիզմը, որի անունով հրատարակւել է «Մանիֆէստ»-ը եւ որի ձեւակերպման ձեռնարկել է նա:

Գիտական սօցիալիզմի էական հարցերից մէկն ա՛յն է թէ ի՛նչ հիման վրայ սօցիալիզմը զառնում է անխուսափելի հետեւանք ներկայ կապիտալիստական բէժիմի: «Մանիֆէստ»-ը պատճառաբանում է հետեւեալ կերպով. «Ի նկատի ունենալով որ ժամանակակից սօցիալական անհասարթութիւնը առաջանում է ներկայ սօցիալական կազմից, սօցիալ-դեմօկրատիան դանում է որ միմիայն վերջինին ոչնչացնելով կարելի է ձեռք բերել բանւորի ազատութիւնը: Պրօլետարիատի սօցիալ-անտեսական իրաւազրկութիւնը առաջանում է գլխաւորապէս նրա արտադրութեան միջոցներում մասն չուներնալուց, ուստի սօցիալ-դեմօկրատիան իւր վերջնական նպատակն ունի բանւորի ձեռքն յանձնել աշխատանքի

(*) K. Marx—Das Kapital

(**) «Պրօլետարիատ» թիւ 1, հջ 2

գործիքներն ու արտադրութեան միջոցները: Որովհետև մասնաւոր սեփականութեան շնորհիւ հասարակութեան մի մասը ճնշում է գործ դնում միւս մասի վրայ եւ այդ տեղից է ծագում բոլոր անհաւասարութիւնները, ապա ուրիմն նա պէտք է ոչնչացւի եւ ապագայ սոցիալական կազմը պէտք է հանգչի հողի եւ արտադրութեան գործիքների հասարակական սեփականութեան սկզբունքի վրայ»: (*) Բացի այդ, իր երկրորդ էջի վրայ («Մանիֆէստ») նա ասում է. «բանւոր դասակարգին սպառնում է լրակատար այլասեռման վտանգը, եթէ կապիտալիստական անարխիային վերջ չ'տրւի»:

Այս հատածի չորս պարբերութիւններն եւս, որոնք կրկնում են միեւնոյն միտքը, ունեն միանգամայն ուսօպիակաւ մեկնման կէտ եւ իսկօրօ-սրաւաբանական բովանդակութիւն: Արդէն մի քանի տասնեակ դարերից ի վեր բոլոր ֆիլանտրոֆ եւ բեֆօրմատօր մտածողների մեկնման կէտն ա՛յդ է եղել—«որովհետև» հասարակութեան մէջ տիրում են թշուառութիւն եւ չարիքներ, «ուրիմն» պէտք է նրանց «ոչնչացնել»: Սակայն չարիքը միշտ մնացել է չարիք, եւ եթէ այն փոխել է իր ձեւը մարդակերութիւնից մինչեւ վարձկանութիւն, այդ կատարել է միայն ա՛յն օրէնքով որ յիշւած կարգերից իւրաքանչիւրը կրել է իր մէջ պատմական-իրական, եւ աւելի եւս որոշելով, անտեսական պայմաններ, որոնք անհրաժեշտ եւ հնարաւոր են կացուցել նրա ձեւափոխումը: Ներկայ կարգերի վերաբերմամբ եւս իրերն ենթարկւում են նոյն պատմական օրէնքին: Անցած դարի սկզբին մի շարք ուսօպիստ-սոցիալիստներ նոյն խեղճ-տրամաբանական մէկնման կէտն ունեցան եւ քարոզեցին ընդհանուր սեփականութիւն յանուն «հասարակական չարիքի» վերացման: Սակայն Մարքսի եւ

էնդէլսի աշխատութիւններով առաջ եկաւ գիսակաւ սօցիալիզմը, մեկնման կէտ ունենալով իրերի պատմական գնացքը եւ լինելով ձեւակերպումն հասարակական կազմի մէջ գործող պայմանների, պատճառների եւ հետեւանքների: Այս հողի վրայ միայն կառուցւած եւ պայմանաւորւած են նրա պահանջներն ու եզրակացութիւնները: Ըստ Մարքսիզմի, մասնաւոր սեփականութիւնն ու կապիտալիստական արգիւնաբերութիւնը պիտի փոխարինւեն կոլլեկտիվ սեփականութեամբ եւ սօցիալիստական արգիւնաբերութեամբ ո՛չ այն սրաւնաբանութեամբ թէ «որովհետև անհաւասարութիւն» կայ, «որովհետև հասարակութեան մի մասը ճնշւած է, որովհետև պրօլետարիատի իրաւագրկութիւնը առաջանում է նրա արտադրութեան միջոցներում մասն չունենալուց, որովհետև բանւորներին սպառնում է այլասեռման վտանգը» ապա եւ «ուրիմն պէտք է ոչնչուցանել այդ կազմը», — այլ սօցիալիստ բէժիմի իրականացումը հիմնւած է ա՛յն օրէնքի վրայ որ ներկայ կապիտալիզմի մէջ կան պասւնակաւ-սկեստակաւ պայմաններ որոնք անհրաժեշտ եւ հնարաւոր են դարձնում կապիտալիզմի ոչնչացումն եւ սօցիալիզմի իրականացումն:

Կապիտալիստական սխտէմի մէջ արգիւնաբերութեան ոյժերն անդադար ապստամբում են սեփականութեան յարաբերութեան դէմ, եւ կապիտալիստ դասակարգն այլ եւս անկարող է տիրապետել ա՛յն ոյժերին որ ինքը ստեղծեց: Գերարգիւնաբերութիւնն ու կրիզները ցնցում են հասարակութեան ամբողջ կազմը, եւ արգիւնաբերական ոյժերն այլ եւս չեն նպաստում բուրժուական սեփականութեան պայմանների զարգացման: (*) Կապիտալի մօնօպօլը զանոնում է արգելք արգիւնաբերութեան ձեւին

(*) „Proletariat“ թիւ 1 էջ 3

(*) K. Marx und F. Engels—Das Kommun. Manifest p. 13. S. A. 1901.

որ աձեց եւ զարգացաւ նրա հետ եւ նրա հովանաւորութեան ներքոյ: Աշխատանքի սօցիալիզացումն եւ նրա անտեսական ոյժերի կեդրոնացումը հասնում են մի կէտի, երբ նրանք այլ եւս անկարող են մնալ իրանց կապիտալիստական ծածկոցի մէջ: Այդ ծածկոցը պայթում է: (*) Կրիզները բնական պարբերական երեւոյթներ են կապիտալիստական արդիւնաբերութեան մէջ, որը միանգամայն ապստամբում է փոխանակութեան ձեւի դէմ: Հարստութեան կեդրոնացած առատութիւնը խանգարում է արդիւնաբերութեան եւ գործադրութեան միջոցների կապիտալ դառնալուն, որով զազարում է եւ նրանց ֆունքիան: Եւ այսպէս կապիտալիստական արդիւնաբերութիւնը ինքը մերկացնում է իր անընդունակութիւնը զեկալարել արդիւնաբերական ոյժերը, միւս կողմից իրանք արդիւնաբերական ոյժերը աւելի եւ աւելի զօրեղ կերպով ձգտում են ոչնչացնել այդ հակասութիւնը, ազատել կապիտալիստական յատկութիւններից, դիմելով դէպի իրակամ ճանաչեցումն իրանց հասարակական արդիւնաբերութեան ոյժերի բնաւորութեան: (**) Ժամանակակից խոշոր կրիզները, որ ցնցում են համաշխարհային շուկան, բխում են գերարդիւնաբերութիւնից, որն իր հերթին հետեւանք է սպրանքային արդիւնաբերութեան հետ անխուսափելիօրէն կապւած արդիւնաբերական ծրագրի բացակայութեան: Կապիտալիստական արդիւնաբերութիւնն ինքը փորում է իր գերեզմանը մի կողմից շուկաների սակաւութեան պատճառով եւ միւս կողմից նոր կապիտալիստ երկրների երեւան գալով: Շուկաներն այլ եւս չեն գոհացնում կապիտալիստական արդիւնաբերական ոյժերին, որով եւ արգելում են նրանց զարգացման, իսկ վերջիններին

(*) K. Marx—Das Kapital I B. p. 728, V. A. 1890
 (**) F. Engels—Anti-Dühring p. 297, D. A. 1894

անհաշիւ եւ բռնի արտադրութեան շնորհով կորչում է ահապին հարստութիւն: Կապիտալիստական հասարակութիւնը մշտական ճգնաժամի մէջ է: (*)

Սրանք են ա՛յն անտեսական պատմական պայմանները որոնք տանում են ներկայ հասարակութիւնը դէպի սօցիալիստական կազմը, տանում են այնտեղ ո՛չ թէ բանւորների վիճակը բարւոքելու գիտաւորութեամբ, այլ ճակատագրօրէն, առանց ուրիշ տեղ տանելու հնարաւորութեան: Առանց այդ պայմանների, մեր բոլոր հոգսերն ու դատողութիւնները կը մնային ուտօպիա, եւ բանւոր գասակարգը, «ճնշելով, իրաւազուրկ լինելով եւ լիակատար այլասեւման վտանգին» ենթարկելով հանդերձ, կ'մնար նոյն վիճակի մէջ: Եւ այդ ինչ վերին հոգաբարձու է «սօցիալ-դէմօկրատիա» կոչւած բանը, որը մի շարք մարդասիրական-դատարանական «ի նկատի» ներ ունենալով, «գանում է որ ներկայ կարգերը պէտք է ոչնչացնել եւ բանւորի ձեռքն լանձնել աշխատանքի գործիքներն ու արտադրութեան միջոցները»: Սօցիալ-դէմօկրատիան ո՛չ բարերար է եւ ո՛չ վճիռներ արձակող մի գառաւոր, ինչպէս եւ պրօլետարիատը ո՛չ «այլասեւմած» մութացկան է եւ ոչ գաստապարուած մի գոհ: Սօցիալ-դէմօկրատիան մտաւոր-թէօրիական արտայայտիչ եւ ներկայացուցիչ է պրօլետարիատի: Նրա բոլոր «ի նկատի» ները հիմնւած են միայն պատմական կեանքի պրօցէսի վրայ, ո՛չ իբրեւ զգացմունքներ եւ վճիռներ, այլ իբրեւ հետեւանք իրական պայմանների: Պրօլետարիատն է ա՛յն գասակարգը, որն էսպէս իր ձեռքն ունենալով արդիւնաբերութեան ամբողջ կազմը, նրա անխուսափելի պահանջների համեմատ պիտի կանոնաւորէ այն, ոչնչացնելով նրա մէջ կապիտալիստ բէժիմի հակասութիւն-

(*) K. Kautsky—Das Erfurter Programm p. 84—104
 D. A. 1899

ները: Սօցիալ-տէմօկրատիան իր ամբողջութեամբ է՝ ինքը պրօլետարիատն, իբրև կազմակերպւած քաղաքական-տնտեսական կուսի գասակարգ, եւ նա ոչինչ չ'ունի «բանորի ձեռքն յանձնելու», այլ ինքը, գիտակցելով եւ ձեւակերպելով կապիտալիզմի գնացքն ու մօտակայ հետեւանքը, բուրժուազիայի գերն եւ իր պատմական միասիան, հանդիսանում է ներկայացուցիչ արդիւնաբերութեան մէջ գործող տնտեսական նոր պահանջների եւ իրականացնողը կօլլէկտիվ սեփականութեան եւ կօլլէկտիվ արդիւնաբերութեան:

Այս է սօցիալիզմի պատմական անխուսափելիութեան գիտական հիմքը, իսկ պրօլետարիատի վիճակի բարւոքումն, կամ աւելի ճիշտ ասած, գասակարգերի եւ շահագործութեան ոչնչացումն, հասարակական հետեւանքներ են միայն: Այս է եւ պրօլետարիատի իբրև նոր կազմի ներկայացուցիչ, պատմական կոչումը: Այս պէտք է պարունակէ իր մէջ մի սօցիալ-տէմօկրատիական «Մանիֆէստ» եւ այս պէտք է ըմբռնել տալ պրօլետարիատին որ ինքը պատմականօրէն կոչւած է տնտեսական-պատմական անհրաժեշտութեամբ հիմնովին յեղափոխել կապիտալիստական արդիւնաբերութիւնն ու բուրժուական բէժիմը եւ բանալ դարազուխը սօցիալիստական արդիւնաբերութեան: Այսկերպ միայն պրօլետարիատը կանգնած կ'լինի իր գասակարգային գերի մէջ, ընդգրկելով իր պատմական միասիայի ընդարձակ հօրիզոնը:

Ակներև է թէ որքան տարբեր են միմեանցից «Մանիֆէստ»ի եւ մեր մէջ բերած հայեցակէտը: Մինչդեռ այնտեղ սօցիալիզմը ներկայանում է իբրև կանխակալ սկզբունք յանուն պրօլետարիատի վիճակի բարւոքման-այստեղ սօցիալիզմը հանդիսանում է իբրև անխուսափելի հասարակական նոր կազմ, մինչդեռ այնտեղ սօցիալ-դէմօկրատիան գիտաւորւում է «ճնշւած բանւորի

ձեռքը տալ աշխատանքի գործիքներն ու արդիւնաբերութեան միջոցները»- այստեղ պրօլետարիատը հրապարակ է գալիս իբրև պատմական գասակարգ, որ կոչումն ունի իրագործել այդ նոր կազմը: «Մանիֆէստ»ի մէջ, մի կողմ թողած հատուկտոր, չափազանց յայտնի դարձւածքները, այս կէտն ուշադրութեան արժանի միա՛կն է, որն եւ ըստ «Մանիֆէստ»ի «սօցիալ-դէմօկրատիական համաշխարհային կուսակցութեան խիստ որոշւած ծրագրի գլխաւոր հիմունքն է»(*): Եւ հէ՛նց այս կէտը «սօցիալ-դէմօկրատիական Մանիֆէստն» ազաւաղել է անտանելի կերպով, միանգամայն ուրիշ էութիւն տալով նրան, որով եւ «Մանիֆէստ»ը կատարելապէս դուրս է գիտական սօցիալիզմից, իբրև ինտելիգէնտային իդէօլօգիայ: Վտանգաւոր բան է ձեռնարկել այնպիսի գործերի եւ ճառել այնպիսի խնդիրների մասին, որոնց վերաբերմամբ «խնդրատօրներ»ը կամ գաղափար չունին եւ կամ նրանց ամբողջ պաշարը սպառւում է երրորդական բերաններից հասած թերի եւ ազաւաղւած ֆրագմենտով: Այդ վիճակի մէջ են «Պրօլետարիատ»ի եւ «Հայ Ս. Գ. Միութեան» կազմակերպութեան «ձեռնարկօղները»: Իսկ այդպիսի վիճակի եռակի մեաններն ակնյայտ են թէ՛ գրականութեան եւ կազմակերպութեան զարգացման, թէ պրօլետարիատի շահերի եւ թէ գիտակից ինքնուրոյնութեան տեսակէտից:

Յիշենք մի ուրիշ կէտ եւս: «Մանիֆէստ»ի կարծիքով սօցիալիզմի «իրականացման չի կարելի հասնել ոչ բանւորական գասակարգի տնտեսական ինքնագործունէութեամբ եւ ո՛չ մասնակի սօցիալական ու քաղաքական բէֆօրմների միջոցով, այլ լոկ արմատական յեղաշրջման — սօցիալական յեղափոխութեան միջոցով»: (**)

(*) «Պրօլետարիատ» Թիւ 1 էջ 3
 (**) «Պրօլետարիատ» Թիւ 1 էջ 3

խօսքն այստեղ պրօլէտարիատի, իբրև կազմակերպւած դասակարգային կուսակցութեան, գործունէութեան մասին է: Իբրև այդպիսի, հակառակ «Մանիֆէստ»ի կարծիքին, նրա յարատեւ ու սիստեմաթիք գործունէութեան նպատակն է անտեսական-քաղաքական յաջորդական բէֆօրմներով պատրաստել սօցիալիզմի իրականացումը, որն անկասկած սօցիալական յեղափոխութիւնն է, իբրև նոր կազմ, եւ որ պէտքէ կատարել յեղափոխութեամբ, նկատի ունենալով բուրժուազիայի օպպօզիցիան: Սօցիալ-դէմօկրատիան ո՛չ թէ բացատու է անտեսական գործունէութիւնն ու բէֆօրմները, հակադրելով նրանց յեղափոխութիւնը, այլ ճանաչում է նրանց իբրև անհրաժեշտ միջոցներ, որոնց համար մղւած կուով իսկապէս լեցւած է նրա գործունէութիւնը, միջոցներ, որոնք սակայն պիտի ձեռք բերեն միայն դասակարգային կռի հողի վրայ եւ կուսակցութեան, իբրև զիմադիր տարրի, ձեռքով: Իսկ յեղափոխութիւնն, իբրև միջոց, կուսակցութեան վերջին եւ գերազոյն ակտն է, որով միանգամայն յեղաշրջուած է ներկայ կազմը, տեղի տալով նախօրօք հասունացած սօսիալիստական կազմին: (*)

Ներկայ բրօշխրի ծաւալը մեզ ստիպում է կանգ առնել այստեղ թէօրիական հարցերի վերաբերմամբ:

Այժմ մենք պիտի անցնենք Կովկասին:

Նախ աչքի ընկնող մի անյարմարութիւն— այդ «Միութեան» անունն է: Մինչդեռ «Պրօլետարիատ»ի ձեռնարկողները ճանաչում են միայն Կովկասեան հայ

(*) Տես Յիւրիխի (1893) եւ Լօւսօնի (1896) Կօնգրէսի որոշումները: K. Kautsky—Das Erfurt. Progr. «Soziale Reform und Révolution» գլուխը, եւ Լոյն Բեռնշտեյնի Der Parlament, եւ Bernstein und das Socialdem. Progr. ալեւալլ էջեր:

րանուորական շարժումը, նրանք իրանց կազմակերպութիւնը կոչում են «Հայ Սօցիալ-Դէմօկրատների Միութիւն», իսկ «Պրօլետարիատ»ը— «օրգան Հայ Ս. Դ. Միութեան»: Միայն Կովկասի մէջ չեն ապրում հայեր եւ «Միութիւն»ը կարող էր կոչուել այդպէս այն պարագային, եթէ նա նպատակ ունենար կազմակերպել հայ րանուորներին բոլոր հայաբնակ երկրների մէջ: Նոյնանման կերպով վարել է իր ժամանակին եւ «Լեհական Սօցիալիստ Կուսակցութիւն»ը, թէեւ մասամբ նա կարող է վերագրել այդ տիպոսն ամբողջ Լեհաստանին, որովհետեւ չ'նայած որ Գերմ. եւ Ավստր. Լեհ սօցիալիստներն արդէն կազմակերպւած են յիշւած երկրների կուսակցութիւններին մէջ, բայց «Լեհ Սօցիալիստ Կուսակցութիւն»ն այդ տեղերն եւս ունի իր խմբերը: Դրա, հակառակ, Ռուսական Լեհաստանի եւ Լիտվայի Սօցիալ-դէմօկրատներն իրանց անամբ միանգամայն որոշել են սահմանները, կոչելով իրանց «Լեհ Սօցիալ-Դէմօկրատ Կուսակցութիւն Լեհական թաղաւորութեան եւ Լիտվայի»: Նոյնն է արել եւ Հրէական Բուհըրը, որ կոչուած է «Բնդհանուր Հրէական Բանուորական Միութիւն Լիտվայի, Ռուսաստանի եւ Լեհաստանի»: Նոյնը պիտի անէին եւ «Պրօլետարիատ»ի ձեռնարկողները, իրանց կոչելով «Կովկասեան Հայ Ս. Դ. Միութիւն»:

«Մանիֆէստ»ի Կովկասեան եւ հայկական կեանքին վերաբերեալ մասը նոյնչափ աղքատ եւ աղաւաղւած է որչափ եւ նրա թէօրիական մասը: Այնտեղ այսքանն է միայն առած թէ սօցիալ-տէմօկրատիան պէտք է կուէ ցարիզմի դէմ, եւ թէ ինքը «նարաւոր չէ դառնում մտցնել ծրագրի մէջ Կովկասի ավտօնօփիան»: Ահա ձեզ ծրագիր: Եւ ո՛չ մի խօսք տէրրօրի մասին, ա՛յն միջոցների եւ այն ծաւալի մասին որոնցով պրօլետարիատը պիտի մղէ ցարիզմի դէմ այդ կռիւը, ո՛չ մի խօսք սօց. տէմօկրատիայի եւ այլ կուսակցութիւնների յարաբերութեան եւ

գործակցութեան մասին, ո՛չ մի խօսք բանւոր դասակարգի անմիջական պահանջներին մասին, հայկական խնդրի եւ դէպի հայ յեղափոխական կուսակցութիւնները բռնելիք դիրքի մասին, ինչպէս նաեւ այն բացառիկ օրէնքները վերաբերմամբ որ ուստական բռնակալութիւնը սահմանում է ընդհանրապէս նւաճւած ազգերի եւ մասնաւորապէս հայերի նկատմամբ, եւ այլն եւ այլն—մի շարք առաջնակարգ հարցեր, առանց որոնց «Մանիֆէստ»-ի կողմնակցութեան եւ կուսակցութեան գործունէութեան վերաբերեալ մասը, որ ընդամենը մէկ էջ է, ամենախակ կրկնութիւն է մի շատ բանալ ֆօրմիւլի թէ պէտք է կուեկ ցարիզմի դէմ: Այդպիսի «Մանիֆէստ»-ների շուրջ խմբւած կազմակերպութիւնները պիտի ենթարկուեն միշտ ամեն ազաւազումներին: Այդպիսի ազաւազումներից մէկն է օրինակ եւ այն թէ «գործադուլները ո՛չ մի շօշափելի օգուտ չեն բերել պրօլետարիատին, բացի այն մասնաւոր դիջումներից որ անում են տէրերը» (*): Ի՛նչ դատարկ բան են եղել այդ գործադուլները: Երբ գործադուլները տեղի են ունենում չափւած եւ նախամրտաձեւած, մի ամբողջ շրջանի բանւորների անտեսական պայմանների մէջ մտցնում են փոփոխութիւններ, որոնք թէ՛ նրանց վիճակն են բարելաւում եւ թէ՛ հիմք են դառնում ապագայի մէջ նոյն պահանջների պետական ընդհանուր օրէնք դառնալու: Եւրոպական պրօլետարիատի գործադուլների պատմութիւնը միանգամայն այդ է ապացուցանում: (**)

Տեստեսական այս գործունէութիւնը պրօլետարիատի անհրաժեշտ պայմաններից մէկն է,

(*) «Պրօլետարիատ» Թիւ 1 էջ 4

(**) Տես Յիւրիխի 'ոլնգրեսի որոշումը, K. Kautsky—Das Erfurter Progr. «Der politische Kampf» գրուիւր, ինչպիսի նաեւ Ժ. Գ.:-ի 1894 ին Յրաւեսիակաւ պարչաւեկի մէջ աւաշարկած պրօհֆը («Le Socialiste» 14 փետրար)

միայն խնդիրն այն է որ պրօլետարիատը ո՛չ թէ սոսկ բանւորական սինտիքատներ ներկայացնէ իրանով, այլ կազմակերպւած քաղաքական դասակարգային կուսակցութիւն, որի ղեկավարն են սօցիալիստական սկզբունքներն եւ իր պատմական միասին: Առանց այս իմաստով անտեսական գործունէութեան, պրօլետարիատը կարող է միանգամայն դուրս ելնել իր դասակարգային սահմաններից եւ ընկնել դիպլօմատօ-պօլիտիքական ավանտիւրիզմի մէջ:

Բնական է որ այսպիսի պայմանների մէջ, երբ «Պրօլետարիատ»-ի ձեռնարկողները մի կողմից բաց են թողնում եւ կամ ազաւազում են բազմաթիւ կենսական հարցեր, եւ միւս կողմից հազիւ մէջ տեղ են եկել, առանց դեռ եւս թէօրիական կամ գործնական որեւէ տշխատանք կատարած լինելու, հենց առաջին թւից հրատարակելով իրանց «մի ճիւղ Ռուսաստանի Սօցիալ-Դէմօկրատիական Բանւորական կուսակցութեան, միանգամայն համերաշխ նրա հետ», եւ իրանց օրգանի ձակատին տեղաւորելով «Ռուսաստանի Ս. Դ. Բ. կուսակցութիւն» պաշտօնական տիտղոսը(*), նրանք ոչ թէ միայն կանխահաս ձեռնարկ են արել, այլ եւ ձգել են իրանց միանգամայն դժւարին եւ ստորադրեալ կացութեան մէջ: Որ համայն Ռուսաստանի բոլոր ազգութիւնների պրօլետարիատը դասակարգային համերաշխութեամբ պիտի կազմէ մի՛ եւ սոսկ կուսակցութիւն—այդ իրականութեան պահանջն է եւ սօցիալիզմի սկզբունքներից մէկը: Սակայն պարզ է որ այդ համերաշխութիւնը չ'պիտի իրագործւի ո՛չ էպիթեթներով եւ ո՛չ յայտարարութիւններով: Դրա համար անհրաժեշտ է թէօրիական եւ գործնական աշխատանք, որին պէտք է որ նւիրէ կուսակցութիւնն իր ոյժերը, բոլոր պայմաններն ու հանգամանքները կշռած, որոշելով

(*) «Պրօլետարիատ» Թիւ 1 էջ 1

միանգամայն այդ համերաշխութեան ծաւալն ու էութիւնը: Եթէ «Ռուսաստանի Ա. Գ. Բ. Կուսակցութիւն» ասելով մենք հասկանանք Ռուսաստանի բոլոր ազգութիւնների կազմակերպւած պրօլետարիատի մի ընդհանուր կուսակցութիւն—այդպիսի բան գեղեւս գոյութիւն չ'ունի: Այդպիսի ատղոս կրում են միայն «Իսկրայ»ի կազմակերպութիւնը, «Ռուս Յեղափոխական Սօց. Դեմօկրատիական Միութիւն»ը, եւ «Ռուս սօց. Դեմօկրատների Միութիւն»ը, որոնք միասին կազմում են մի կուսակցութիւն, եւ ապա Հրէական Բուհըր: Միութեան իրականացումը գեւ ապագայի գործ է, երբ ընդհանուր կօնգրէսի մէջ կ'որոշեն այդ միութեան հիմունքները եւ երբ բոլոր ազգութիւնների պրօլետարիատն եւ բոլոր խմբերը կը կազմեն մասն այդ միութեան: «Պրօլետարիատ»ն աւելի շրջանայեաց կ'լինէր եթէ առանց էպիթեթիւների իր «Մանիֆէստ»ի մէջ չեշտէր համերաշխութեան սկզբունքն եւ որոշէր պայմանները, ազգային թողնելով պաշտօնական գիտակից համակերպումն այդ սկզբունքին: Եւ «ճիւղ» գառնալու յայտարարութիւնն այն ժամանակ միայն իմաստ կունենար, եթէ յիշւած աշխատանքից յետոյ այդ լինէր արդէն ընդունւած որոշման պաշտօնական հաստատումն այլեւայլ կազմակերպութիւնների մէջ:

«Մանիֆէստ»ի մէջ ոչինչ չկայ մի այլ շարժանք կարեւոր հարցի մասին: Ի՞նչ է մտածում Հայ Ա. Գ. Միութիւն»ը Կովկասի հայ բանուոր զսակարգի կազմակերպութեան ձեւի եւ նրա յարաբերութեան մասին «Ռուսաստանի Ա. Գ. Բ. Կուսակցութեան» մէջ մանող մասերի հետ: Կովկասի այլեւայլ ազգութեան բանուոր զսակարգն ընդհանրապէս եւ հայ բանուոր զսակարգը մասնաւորապէս պիտի ունենա՞ն արդեօք կազմակերպչական ինքնուրոյնութիւն, թէ՛ Կովկասի ամբողջ պրօլետարիատը խառնօրէն պիտի ձուլւի մի եւ սոսկ կազ-

մակերպութեան մէջ—սա մի խնդիր է որ վաղը պիտի հրապարակ զայ Կովկասի մէջ իբրեւ առաջնակարգ պահանջ: Սակայն այս հարցը «Մանիֆէստ»ը կողմնակի յիշում է երկսողով ուրիշ տեղ, իբրեւ պատասխան բուլղոյլին այլ հարցի: Խօսելով Ռուսաստանի ազգութիւնների ավտօնօմիայի մասին, նա ասում է. «ինչ վերաբերում է Կովկասին մենք պիտի ձգտենք զանազան ազգութեանց պատկանող բանուորներին ի մի ժողովել մէկ ընդհանուր սօցիալ-դեմօկրատիական մարմին կազմակերպելու համար»(*): Այստեղ «Մանիֆէստ»ը շփոթում է երկու ասարեք կատէգորիաներ—ազգային ավտօնօմիան եւ կուսակցութեան կազմակերպութեան ձեւը: Այսպէս թէ այնպէս, կազմակերպութեան վերաբերմամբ «Մանիֆէստ»ի կարծիքն այ՛ն է թէ պէտք է «մէկ ընդհանուր սօցիալ-դեմօկրատիական մարմին կազմել»: Բայց հարցը զբանով չէ լուծւում, որովհետեւ կարելի է մէկ ընդհանուր մարմին կազմել կամ խառնօրէն ձուլելով եւ կամ առանձին մասնակի կազմակերպութիւններ ունենալով: Եւ զրա մէջ է խնդրի էութիւնը:

Մեր կարծիքով, Կովկասի իւրաքանչիւր ազգութեան բանուոր զսակարգ պիտի ունենայ առանձին կազմակերպութիւն—արւարձանային կօմիտէաներ, գիւղի կամ քաղաքի կօմիտէաներ, շրջանակային կօմիտէաներ, որոնք միասին կունենան իրանց Կեդրոնական Խորհուրդը, Վերաքննիչ Մարմինն եւ Ընդհանուր ժողովը, ձեռնհաս միայն տեղական եւ իրանց վերաբերեալ խնդիրների մէջ: Այնուհետեւ կընտրել Ընդհանուր Կեդրոնական Խորհուրդ, բաղկացած բոլոր ազգութիւնների ներկայացուցիչներից, որը եւ կ'վարէ կուսակցութեան ընդհանուր եւ խոշոր գործերը: Այսկերպ Կովկասի համայն պրօլետարիատը կ'կազմէ մէկ ընդհանուր կուսակցութիւն,

(*) «Պրօլետարիատ» քիւ 1 հջ 4

208 - 92 577 - 92



խակ իւրաքանչիւր ազգութեան բանւոր դասակարգ կը կազմէ մի որոշւած մասն ընդհանուր կուսակցութեան: Հակառակ պարագային, եթէ այլեւայլ ազգութիւնների պրօլետարիատը խառնօրէն պիտի ձուլւի մասնակի կօմիտէաների մէջ, նոյն իսկ «Մանիֆէստ»ի տեսակէտից, ին՞չ իմաստ ունի նրա յայտարարութիւնը թէ «Պրօլետարիատ»ը է օրգան «Հայ Սօցիալ-Դէմօկրատ Միութեան» որն իր հերթին է՝ մի «Ճիւղ Ռուսաստանի Ս. Դ. Բ. կուսակցութեան»: Ակներեւ է որ «Հայ Սօցիալ-Դէմօկրատների Միութիւն» կազմել եւ «Ճիւղ» գտնուել կարելի է միայն այ՛ն ժամանակ, երբ այդ «Միութիւն»ն եւ այդ „Ճիւղ”ը առանձին մարմին են ներկայացնում, որը որոշ հիմունքների վրայ կապուած է ուրիշ համանման մարմինների հետ:

Մեր յիշած ձեւի կազմակերպութեամբ միայն իւրաքանչիւր ազգութեան պրօլետարիատի մէջ արագ եւ բնական կերպով կ'առաջանայ պրօպագանդան իր մայրենի լեզուով, ինչպէս նաեւ ինիցիատիվան եւ գործնական ձեռնարկներ: Միւս կողմից այսպէսով միայն կարող կ'լինի զարգանալ իւրաքանչիւր ազգութեան պրօլետարիատի իր լեզուով սօցիալիստական գրականութիւնը, որի հետ կապւած է նաեւ իւրաքանչիւր ազգութեան սօցիալիստ ոյժերի զարգացումը, թէ գործնական եւ թէ թէօրիական ասպարէզների վրայ, իրանց մայրենի լեզուով, որն եւ առաջին պայմանն է նրանց բոլոր ընդունակութիւնների հրապարակ գալուն: Հայ սօցիալիստ գրականութեան եւ Հայ սօցիալիստ ոյժերի զարգացումն կենսական պահաջ է այ՛ն իրողութեան որ կովկասի մէջ գոյութիւն ունի Հայ բանւոր դասակարգ: Իրական այս պահանջը կարող է խեղաթիւրւել եւ ոչնչանալ մի կողմից խառն կազմակերպութեան մէջ եւ միւս կողմից Ռուս բռնակալութեան ճնշումների տակ, որպիսի պարագային կ'զանդաղի Հայ պրօլետարիատի զարգացումն, կ'ջլատեն բոլոր Հայ

ինտելիգենզ ոյժերը, եւ Հայ պրօլետարիատը, փոխանակ ինքնուրոյն մասն կազմելու միջազգային դասակարգային համերաշխութեան մէջ, կ'զառնայ ցիրուցան այլասեռւած եւ կիսայամբ յաւելումն այլալեզու կազմակերպութիւնների մէջ: Այդ իսկ պատճառով Հայ սօցիալիստ ինտելիգենցիան եւ Հայ պրօլետարիատն իրանց ձեռքը պիտի առնեն հայերէն լեզուով սօցիալիստ գրականութեան զարգացման գործը, որի էական պայմաններից մէկն է յեզուային կազմակերպչական ինքնուրոյնութիւնը: Պարզ է որ լեզուային-կազմակերպչական այս իրական պահանջը մենք միանգամայն տարբերուծ ենք ազգային ինքնուրոյնութեան պահանջից, որը քաղաքական խնդիր է: Պարզ է նաեւ որ մենք ընդմիշտ հեռու ենք ամեն ազգայնական տրամադրութիւնից, եւ անուծ ենք այ՛ն, ինչ անուծ են բոլոր երկրների սօցիալիստները, որպէս նաեւ մեր հարեւան ոռւս սօցիալիստները: Լեզուն պատկանում է որեւէ պատմական-աշխարհագրական միջավայրի մէջ ասպրող ամբողջ հասարակութեան, եւ նա չէ՛ պարունակում իր մէջ որեւէ հիմունք որը դասակարգային բաժանման պատճառ գառնար, թէեւ սօցիալիստ բարբառը կարող է ունենալ ուրիշ ոճեր եւ դարձւածքներ քան բուրժուական բարբառը: Մտաւոր արտայայտութեան եւ իրական գործունէութեան իբրեւ միակ միջոց, մայրենի լեզուն միանգամայն անհրաժեշտ է հայ բանւոր դասակարգին, եւ նա նոյնչափ պէտք է պաշտպանէ իր լեզուն, որչափ նա հակառակորդ է ամեն տեսակ ազգայնական սկզբունքներին եւ զղացմունքներին, բուրժուական զեղարուեստից եւ գրականութիւնից սկսած, մինչեւ մասնաւոր սեփականութեան եւ շահագործութեան վրայ հաստատուած բուրժուական-դասակարգային բարոյականութիւնն եւ հայրենասիրութիւնը:

Տարբերելով միմեանցից միայն լեզուով եւ թերեւս այլեւայլ մանր յատուկ պահանջներով, իբրեւ ինքնուրոյն

եւ գիտակից միութիւններ օրդանապէս կապուելով միմեանց հետ, քարոզելով նոյն սկզբունքները եւ կատարելով նոյն գործերը, Կովկասի այլեւայլ ազգութեան պրօլետարիատը, իբրեւ մի՛ եւ սոսկ դասակարգ իր բոլոր անտեսական, քաղաքական եւ կուլտուրական պահանջներով, կ'կազմէ մի՛ եւ սո՛սկ սօցիալ-դէմօկրատ կուսակցութիւն, որի մէջ ամեն մէկը կ'ունենայ իր տեղը եւ ամեն ինչ կ'ընթանայ անբռնադատ ճանապարհով: Այս գործի մէջ օրինակ է Ալաորիայի Սօց-Դէմօկր. Կուսակցութիւնը, որը 1897 եւ 1898 ի կօնգրէսներէ մէջ մօտաւորապէս վերը յիշուած ձեւով վճռեց ազգութիւնների խնդիրը կազմակերպական տեսակէտից, կուսակցութեան միութեան մէջ տեղաւորելով ինքնուրոյն վեց ազգութիւնների բանօր դասակարգը: (*)

Մենք հասնում ենք Կովկասեան ազգերի ավաստօմիայի խնդրին: «Մանիֆէստ»ն ասում է, «ի նկատի ունենալով որ Ռուսիայի իշխանութեան տակ գտնուում են իրանց կուլտուրական կեանքում բազմաթիւ անանձնայատկութիւններ ունեցող ազգութիւններ եւ գտնելով որ միմիայն տեղական ինքնավարութեան լայն զարգացումը կարող է պաշտպանել Ռուսիայի կազմի մէջ մտնող տարրերի շահերը, մենք անհրաժեշտ ենք համարում ազատ Ռուսիայում գաշնակցական (ֆեդերատիվ) հասարակապետութեան կազմակերպութիւնը: Իսկ ինչ վերաբերում է Կովկասին, ուշադրութեան արժանի է նրա ազգաբնակչութեան բազմազգութիւնը, մենք պիտի ձգտենք բոլոր սօցիալիստական տարրերը եւ գանազան ազգութեանց պատկանող բանւորներին ի մի ժողովել մէկ ընդհանուր Սօցիալ-Դէմօկրատիական մարմին կազմակերպելու, միապետութեան դէմ աւելի յանդ մաքստելու

(*) W. Ellenbogen—La democratie Socialiste Autrichienne («Mouvement Socialiste» 1900 No. 37)

համար: Ապագայ Ռուսիայում մենք թողնում ենք իւրաքանչիւր ազգի իրան որոշելու իւր գրութիւնը, որովհետեւ ազգայնական ազատութեան մէջ մենք տեսնում ենք քաղաքացիական ազատութեան մի որոշ տեսակը: Այս սկզբունքով ստաշնորդելով եւ ի նկատի ունենալով Կովկասի ազգաբնակչութեան բազմազգութիւնն ու ազգութիւնների աշխարհագրական բաժանման բացակայութիւնը, մենք հնարաւոր չենք գտնում մտցնել մեր ծրագրի մէջ Կովկասեան ազգութիւնների քաղաքական ավաստօմիան, այլ լոկ ավաստօմիա կուլտուրական կեանքի վերաբերեալ, այսինքն լեզուի, ուսումնարանների, կրթութեան եւ այլն լիակատար ազատութիւն»: (*)

Այս մի էջ հատուածի մէջ մենք նախ պիտի մատնանիշ անենք մի շարք հակասութիւնների վրայ: Եթէ, ինչպէս «Մանիֆէստ»ն է ասում, միայն տեղական ինքնավարութիւնը կարող է պաշտպանել Ռուսաստանի այլեւայլ ազգութիւնների շահերը, որի համար նա անհրաժեշտ է համարում «գաշնակցական հասարակապետութիւնը», ուրեմն եւ նոյնը նա պէտք է պահանջէ եւ Կովկասի վերաբերմամբ, պաշտպանելու համար Կովկասի ազգութիւնների շահերը: Սակայն «Մանիֆէստ»ը չէ ընդունում Կովկասի ազգերի ֆեդերացիան եւ այսպիսով վերջիններս զրկում են այն շահերի պաշտպանութիւնից, որ ձեռք են բերում «Մանիֆէստ»ի կարգադրութեամբ Ռուսաստանի միւս ազգերը: «Մանիֆէստ»ն ասում է թէ Կովկասի բազմազգութիւնն արդելք է դրան, սակայն, օրինակ, Լեհաստանի եւ Լիտվայի մէջ եւս ապրում են Լեհեր, Լիտվացիներ, Հրէաներ, Ռուսներ եւ այլն, եւ միւս կողմից Կովկասի մէջ եւս կարելի է մտցնել համեմատական աշխարհագրական բաժանումն, ազգութիւնների խտութեան չափով: Եւ մի՞թէ այսպիսի

(*) "Պրոլետարիատ", թիւ 1 էջ 4

մի նկատումն կարելի է բաւարար համարել եւ մեկնման կէտ դարձնել մի պահանջի, որը միանդամայն ուրիշ հանդամանքներով է պայմանաւորւած: Այնուհետեւ «Մանիֆէստ»ը գտնոււմ է որ Կովկասի համայն պրօլետարիատը պէտք է ժողովել մի ընդհանուր կուսակցութեան մէջ, «միապետութեան ղէմ աւելի յաջող մաքսուելու համար»: Եթէ այդ «յաջող մաքսուման» պայմանն է այլեւայլ ազգութիւնների պրօլետարիատն ի մի ժողովել, ինչու նոյնը չ'անել եւ Ռուսաստանի միւս ազգութիւնների վերաբերմամբ: Այսպէս, վերջիններս դատապարտուում են անյաջող մաքսուման բայց վարձատրուում են «գաշնակցական հասարակապետութեամբ», իսկ Կովկասցիները յաջող մաքսումամբ զրկուում են զբանից եւ իրանց «չահերի պաշտպանութիւն»ից: Այս է «Մանիֆէստ»ի կամքը: Ապա «Մանիֆէստ»ը միանդամայն շփոթում է ազգային ավսօնօրիակն, իբրեւ փոխափակն պահանջ, կուսակցութեան կազմակերպակն ինֆլուորնութեան հետ, իբրեւ գործի եւ շեզի պահանջ: Մէկը հակադրելով միւսին, նա ասում է թէ Ռուսաստանի ազգութիւնները պէտք է «գաշնակցական հասարակապետութիւն» կազմեն, իսկ Կովկասի ազգութիւնների բանւորները պէտք է «մէկ ընդհանուր սօցիալ-դեմօկրատիական մարմին» կազմեն: Պարզ է որ այս երկուքը տարբեր կատէգորիաներ են, եւ հակադրական պարպային կարելի է միայն ասել թէ մի տեղ—քաղաքական «գաշնակցական հասարակապետութիւն», միւս տեղ—քաղաքական միութիւն: Այլեւայլ ազգութիւնների բանւորները կարող են տարբեր կազմակերպութիւններ ունենալ միեւնոյն կուսակցութեան մէջ, նոյնիսկ միանդամայն անկախ կուսակցութիւններ կազմել առանց «գաշնակցական հասարակապետութեան» պահանջ դնելու, որպէս օրինակ, Ավստրիական սօցիալիստ կուսակցութիւնը եւ «Լեհական սօցիալ-դեմօկրատ կուսակցութիւնը»:

«Մանիֆէստ»ը Ռուսաստանի ազգութիւնների համար պահանջում է «գաշնակցական հասարակապետութիւն», իսկ Կովկասի վերաբերմամբ «ի նկատի ունենալով ազգայնակութեան բազմապետութիւնը», նա «գաշնակցութիւն»ը փոխարինում է «կուլտուրական կեանքին վերաբերեալ ավսօնօմիայ»ով: Տարօրինակ է որ «Մանիֆէստ»ը միշտ այլեւայլ բաներ «ի նկատի» ունի, առանց երբէք էականն «ի նկատի» ունենալու: Չէ՞ր կարելի արդեօք աւելի ծանրակշիւ հանդամանքներ «ի նկատի» առնելով, օրինակ հէնց կառավարութեան զինուորական ոյժը, Ռուսաստանի ազգութիւններին եւս գոհացնել միայն «կուլտուրական կեանքին վերաբերեալ ավսօնօմիայ»ով: Բայց «Մանիֆէստ»ը պահանջելով «գաշնակցական հասարակապետութիւն», կրկնում է իր պահանջն այս կերպ. «Թողնում ենք իւրաքանչիւր ազգի իրան որոշելու իր դրութիւնը»: Յիշւած կտորը բառացի թարգմանութիւն է «Իսքրայ»ի եւ «Չառեայ»ի առաջարկած ծրագրային պրօէքտի: (*) Այս խօսքերը «Մանիֆէստ»ը բնականաբար ըմբռնել է «գաշնակցական հասարակապետութեան» մտքով, որ եւ նա առատօրէն պարզուում է Ռուսաստանի ազգութիւններին, բացի Կովկասից:

Եւ այդ ինչ «կուլտուրական բազմութիւ առանձնայատկութիւններ» են, որոնց պաշտպանման անուսով «Մանիֆէստ»ը Ռուսաստանի ազգութիւններին տալիս է «գաշնակցական հասարակապետութիւն» տիտղոսը: Կապիտալիզմի հաստատմամբ Եւրոպական բոլոր ազգերը մկրտեցին կապիտալիստական կուլտուրայի աւազանի մէջ: Նոյնը կատարեց եւ Ռուսաստանի ազգութիւնների վերաբերմամբ: Մասնաւոր սեփականութիւն, վարձու

(*) „Усkra" No 21, յունիս 1902 եւ „Заря" No 4 оgnus. 1902

աշխատանք, մրցումն, շահագործութիւն, հաւասարութիւն օրէնքի առաջ (բացի զեղծումներէն), ոստիկան, զինուոր եւ կղեր, պաշտպան բուրժուազիայի դասակարգային տիրապետութեան—անա Ռուսաստանի ազգութիւնների բուրժուական «կուլտուրա»ն, որ մէկ եւ ընդհանուր է ամէնքի համար: Դրանից զտրա մնում են մի շարք ազգային-տեղական տարբերութիւններ ինտիմ ընտանեկան սովորութիւնների եւայլն, որոնք իրանցով որեւէ հասարակական ֆակտոր չեն ներկայացնում, եւ ոչ էլ «կուլտուրայ», եւ որոնք ոչնչանում են յաջորդաբար: Արդեօք այդպիսի՞ «կուլտուրական առանձնայատկութիւնների» պաշտպանման անուշով է որ «Մանիֆէստ»ը պահանջում է «գաշնակցական հասարակապետութիւն»: Ինչ վերաբերում է «լեզուին, ուսումնարաններին, կրթութեան եւ այլն եւ այլն», զրանց պաշտպանման համար եթէ Կովկասի մէջ բաւական է միայն «կուլտուրական կեանքին վերաբերեալ ավտոնոմիայ», նոյնը կարծում ենք որ բաւական կը լինի եւ Ռուսաստանի ազգութիւնների համար:

«Մանիֆէստ»ը թէեւ Կովկասեան ազգերի համար «գաշնակցութիւն» չէ պահանջում, բայց նա էտպէս ներկայանում է ազգայնական ձգտումներով համեմատ, որովհետեւ նախ, նա այդ «գաշնակցութիւն»ը պահանջում է Ռուսաստանի ազգութիւնների համար, երկրորդ, եթէ նա չէ պահանջում նոյնը Կովկասի վերաբերմամբ, այդ նրա համար է որ «ազգաբնակչութեան բազմացեղութեան» պատճառով «հնարաւոր չէ գտնում» այն, ապա թէ ոչ պէտք էր որ պահանջէր: Բացի այդ, այլ բան է ուսու կամայականութիւնների զէմ պահանջել օրէնքի հաւասարութիւն եւ ազմինիստրաթիվ բէֆօրմներ եւ այլ բան է ասել թէ «ազգայնական ազատութեան մէջ մենք տեսնում ենք քաղաքացիական ազատութեան մի որոշ տեսակը»: Այդպիսի «սկզբունքով առաջնորդել»

նշանակում է բուրժուական ազգայնութեան իդէօլոգիան մեկնման կէտ առնել այնտեղ՝ ուր խօսք կայ պրօլետարիատի դասակարգային տեսակէտից այս կամ այն քաղաքական պահանջը սահմանել: Այսօր Ռուսաստանի մէջ անխտիր բոլոր ազգութիւնների, զրանց հետ եւ ուսաների քաղաքացիական ազատութիւնը ճնշւած է բռնակալութեամբ, եւ ին՞չ գիտենք թէ վազը, եթէ ձեռք բերի «գաշնակցական հասարակապետութիւն», նոյն բռնակալութիւնը, չ'պիտի տիրէ եւ այդ «ազգայնական ազատութեան մէջ», որովհետեւ, էտպէս, «ազգայնական ազատութիւն» նշանակում է ո'չ թէ «քաղաքացիական ազատութեան մի որոշ տեսակը», այլ նշանակում է միայն մի ազգութեան բուրժուազիայի ազատութիւն, որն եւ իր դասակարգային տիրապետութեան մէջ պրօլետարիատի զէմ կուրբ նոյն պիտի մղէ նոյն միջոցներով: Եւ անաբացայայտ է դառնում այն էական հանդամանքը որ «Մանիֆէստ»ը, բացի իր անվերջ հակասութիւններից, միանգամայն սխալ կերպով է գնում ազգային ազատութեան խնդիրը, «առաջնորդելով», ըստ իր սովորութեան, մի քանի չնչին «ի նկատի»ներով ինչ որ «քաղաքացիական ազատութեան որոշ տեսակ»ով եւ «կուլտուրական բազմութիւ առանձնայատկութիւնների պաշտպանման» տրամաբանութեամբ, որ ի վերջոյ յանգում է բուրժուական-իդէօլոգիական ուտօպիայի:

Ինչպէս ամեն հարցի, նոյնպէս եւ «գաշնակցական հասարակապետութեան» խնդրի մէջ, սօցիալիզմն ունի միայն մի՛ նկատումն եւ մի՛ մեկնման կէտ—պրօլետարիատի ընդհանուր դասակարգային շահը: Ուրեմն եւ խնդիրը գրւում է այ՛սպէս: Ռուսաստանի, ինչպէս եւ Կովկասի ազգութիւնների, «գաշնակցական հասարակապետութիւն»ն անհրաժեշտ է արդեօք պրօլետարիատի, իբրեւ ուրոյն դասակարգի զարգացման, գործունէութեան եւ նպատակի, այսինքն սօցիալիզմի իրականացման

համար: Նայած պայմաններին, հարցի այս թէօրիական մասին միանում է եւ մի գործնական նկատումն, այսինքն, հնարաւոր է արդէօք ձեռք բերել այդ «գաշնակցական հասարակագետութիւն»ը: Եթէ անհրաժեշտ է եւ հնարաւոր, այն կ'պահանջւի եւ ձեռք կ'բերւի, եթէ ո՛չ անհրաժեշտ է եւ ո՛չ հնարաւոր այն ոչ կ'պահանջւի եւ ոչ էլ ձեռք կը բերւի, իսկ եթէ անհրաժեշտ է բայց անհնար, հարցը կ'լուծւի մի այլ յարմար կերպով: Մեր կարծիքով «Ռուսաստանի ազգութիւնների գաշնակցական ֆետերացիան» թէ՛ անհրաժեշտ չէ եւ թէ՛ անհնար է:

«Դաշնակցական հասարակագետութիւն» կազմելու առաջին անհրաժեշտ պայմանն այն է որ Ռուսաստանի ազգութիւնները, կովկասը նայնպէս, եւ Ռուսական պետութիւնը ներկայացնեն իրանցով անկախ եւ ինքնուրոյն միութիւններ: Ռուսական պետութիւնն անկախ է, ուրեմն եւ ունի յիշւած պայմանը, որ չունեն միւս ազգութիւնները, լինելով հպատակ առաջինին: Պարզ է որ Ռուսական պետութիւնն, իրբեւ կապիտալիստական-դասակարգային տիրապետութիւն, ո՛չ այժմ, արսօլութիւղմի օրով եւ ոչ ապագայ սահմանադրական կարգերի տակ, ինքնակամ չ'պիտի տայ նրանց այդ պայմանը եւ չ'պիտի հրատարակէ իր երկիրը «գաշնակցական հասարակագետութիւն»: Մնում է որ հպատակ ազգերը զէնքի ոյժով եւ ապստամբութեամբ ձեռք բերեն այդ պայմանը, այսինքն դառնան անկախ եւ ինքնուրոյն միութիւններ, որպէսզի այնուհետեւ կարող լինեն կազմել «գաշնակցական հասարակագետութիւն»: Ահա այս գործը, մեր կարծիքով, անհնար է գլուխ բերել, որովհետեւ Ռուսական պետութիւնն, ինչպէս այսօր նոյնպէս եւ վաղը, իր տրամադրութեան տակ ունի մի առաջնակարգ զինւորական ոյժ, որի հանդէպ հպատակ ազգերը զէրօ են կատարելապէս, մանաւանդ որ, մի կողմից ապստամբութեան վերաբերմամբ այդ ազգերի դասակարգերի եւ ազգերի իրանձ

մէջ գոյութիւն չունի ոչ մի սկզբնաւորութիւն եւ ո՛չ մի համաձայնութիւն, եւ միւս կողմից, այդ գործի մէջ միայն իրանք շահ ունենալով, սուս պետութեան հանդէպ պիտի մնան միայնակ, առանց սուս ազգի աջակցութեան:

Բացի այն որ ազգային անկախութիւնն եւ «գաշնակցական հասարակագետութիւն» անհնար գործեր են, նրանք նաեւ անհրաժեշտ չեն պրօլետարիատի համար— եւ այս է ինդրի էական կողմը: Պրօլետարիատի դասակարգային պահանջների սահմաններից դուրս է միանգամայն ձգտել ունենալ համազգի անկախ բուրժուազիայ, որպէսզի նա «գաշնակից» լինի միւս ազգերի բուրժուազիայի հետ, ինչպէս նաեւ պրօլետարիատի դասակարգային գործունէութեան սահմաններից դուրս է իր կենսական կոիւր թողած կամ աղաւաղած, դասակարգային էութիւնից դուրս, բուրժուազիայի յաւելւածը դառնալով, իր տարիներն եւ իր ոյժերը նւիրել ազգային անկախութեան եւ «գաշնակցական հասարակագետութեան» գործին, որը ո՛չ թէ միայն մաղաչաւի չպիտի առաջ մղէ իր պատմական միասիան, որովհետեւ համազգի բուրժուազիայի տիրապետութիւնը ոչնչով չպիտի ձեւափոխէ իր ներկայ վիճակը, այլ եւ այդ չափազանց պիտի մեատէ նրան, յետաձգելով իր սեփական փրկութիւնը:

Պրօլետարիատի դասակարգային պահանջներն են— մամուլի, խօսքի եւ համախմբումների ազատութիւն, յաջորդական կրճատումն աշխատանքի ժամերի եւ յաւելումն օրավարձի, ներկայացուցչութիւն եւ ընդհանուր քուէարկութիւն, մի շարք քաղաքական-անտեսական բարենորոգումներ, եւ ապա դասակարգային Դիքտատուրայ եւ սօցիալիստական բեժիմ: Ահա այս պահանջների անունով համայն Ռուսաստանի պրօլետարիատը պիտի կապւի օրդանապէս մի՛ կուսակցութեան մէջ եւ ընդհանուր ոյժերով պիտի ձեռք բերէ նրանց: Ինչ վերաբերում է սուս բռնակալութեան ճնշումներին լեզւի,

զգորոցների եւ մամուլի վերաբերմամբ, յիշւած պահանջներին իրականացմամբ արդէն վերանում է այդ բռնութիւնը, եւ պրօլետարիատը, որ ոչժ ունի պահել եւ զարգացնել իր կազմակերպութիւնը սուս բռնակալութեան ներքոյ, ոչժ կունենայ պահել եւ զարգացնել իր լեզուն, որ անմիջապէս կապւած է իր գործունէութեան հետ: Սրանից զուրս, ամեն ազգային անկախութեան իղէօլոգիա, իբրեւ «քաղաքացիական ազատութեան մի որոշ տեսակ», ամեն «զաշնակցական հասարակապետութիւն», իբրեւ «պաշտպան ազգային բազմաթիւ կուլտուրական ստանձնայատկութիւնների» — վնասակար հոսանքներ են պրօլետարիատի պատմական գործի եւ դերի համար, բերելով իրանց հետ անխուսափելիօրէն բուրժուազիայի եւ պրօլետարիատի համերաշխութիւն եւ էական կօմպրօմիսներ յանուն բուրժուազիայի ցնորական շահերի, որոնք ազաւաղում եւ դանդաղեցնում են դասակարգային կռիւը, որը պրօլետարիատի փրկութեան միակ ղէնքն է: Ինչպէս նկատել է Ժիւլ Կէտ «Քանի գոյութիւն ունի կապիտալիստ հասարակական կազմը, պրօլետարիատը չէ կարող փոխել երկրագնդի քաղաքական աշխարհագրութիւն»ը: (*) Իսկ Մարքսի կարծիքով «պրօլետարիատի յաղթանակը նշան է նաեւ բոլոր ճնշւած ազգերի ազատութեան»(**): Կրճատելով մեր խօսքը յիշենք որ հակառակ Լեհ սօցիալիստ կուսակցութեան» ազգայնական ձգտումներին, «Լեհաստանի եւ Լիտվայի Սօցիալ-Դեմօկրատ կուսակցութիւն»ը յայտարարեց հետեւեալը. «Պրօլետարիատն իբրեւ դասակարգային կուսակցութիւն կարող չէ զուրս զալ գործունէութեան ա՛յն ասպարէզից, որը սահմանւած է նրան նոյն իսկ իր բնաւորութեամբ: Նա կարող չէ ուրիշ կռիւ մղել

(*) Լիլի կօնգրէսի մեջ արժասնւած ճառը:
 (**) Լօճսօնի մեկ միտնիկի մեջ արժասնւած ճառը

բայց եթէ ա՛յն կռիւը, որն է—տրւած պետութեան սահմանների մէջ միմեանց ղէմ հակադրել նոյն պետութեան դասակարգերը: Սօցիալիզմն՝վ է որ մենք կարող ենք հասնել Լեհաստանի անկախութեան եւ ոչ թէ, ինչպէս կարծում են ազգայնական ձգտումներով սօցիալիստները, ազատ Լեհաստանով պիտի հասնենք սօցիալիզմին»: (*)

Վերջին հարցը—այդ Հայկական խնդիրն է, որի մասին մենք ստիպւած ենք չափազանց համառօտ խօսել ներկայ բրօշուրի սահմանների մէջ, մասնաւոր ա՛նկելով սեր յօղւածները, ուր մենք ընդարձակօրէն պարզել ենք այն: (**) Արդէն նկատեցինք որ Հայկական խնդրի վերաբերմամբ «Մանիֆէստ»ը պահում է բացարձակ լռութիւն: Դեռ մօտիկ անցեալի մէջ Կովկասի «ազատամիտ ինտելիգենցիան» անդիտանալով իր երկրի հասարակական պէտքերը, Տաճկա-Հայաստանի անկախութիւնից զուրս ոչինչ չէր տեսնում, իսկ այսօր Կովկասի «սօցիալիստ ինտելիգենցիան» մերժելով Տաճկա-Հայաստանը, սուս ցարիզմից զուրս միտում է ամեն երեւոյթ: Անդիտակ եւ նեղանշնացք այս ծայրահեղութիւնն առաջանում է ա՛յն քառակի սխալ եւ խեղաթիւրւած ըմբռնումից որ ունեն «Պրօլետարիատ»ի ձեռնարկողները նախ սօցիալիզմի թէօրիական եւ գործնական խնդիրների մասին, որն եւ մենք արդէն պարզեցինք, երկրորդ հայկական շարժման մասին, երրորդ Կովկասի հայ պրօլետարիատի դերի մասին եւ չորրորդ Տաճկահայ հասարակութեան անտեսական կազմի եւ դասակարգերի էութեան ու յարաբերութեան մասին: Այդ խեղաթիւրումն մենք

(*) Przeglad Robotniczy, 1900 Մայիսի քիւր:
 (**), Հանդիս" քիւ 1—5, 1900 „Հայ սօցիալիստ կուսակցութիւն", "Հայկական իրակաւնութիւնը", Ամերիկայի հայ քաւնորները":

զանուժ ենք «Մանիֆէստ»-ից անմիջապէս յետոյ տպւած «Սօցիալ-Դէմօկրատիա եւ Իրականութիւն» յօդւածի մէջ: Հարկ կ'լինէր մի նոր բրօշուր գրել քննադատելու համար այդ յօդւածի բոլոր մասերը:

«Պրօլետարիատ»-ի կարծիքով «Ռուս-Թրքական պայտերազմը մեծ զարկ տւեց բուրժուական ազգային ինքնաճանաչութեան. . . եւ հայ երիտասարդները սկսեցին խմբեր եւ կուսակցութիւններ կազմակերպել Տաճկահայաստանում ազգային ինքնալարութիւն ստանալու նպատակով: Այսպիսով սկսեց հայկական շարժումը»: (*) Ոնդիրն այն է որ հայկական շարժումը «զազափարների սլացումով» չ'առաջացաւ եւ ո'չ էլ այն Կովկասի «Հայ երիտասարդների» կամքով սկիզբն առաւ: Առաջ եկած գեոեւս XIX դարի կէսից, 1878 ին Ռուս-Թրքական պայտերազմից յետոյ անբուժելի դարձաւ այլեւս Տաճկաստանի տնտեսական կրիզը, որը կայանում էր այն հակասութեան մէջ որ երկրի նահապետական քարացած մանր արդիւնարեթութիւնն անկարող էր բաւարարութիւն տալ կառավարական ֆինանսական պէտքերին, որոնց գոհացման համար անհրաժեշտ էր խոշոր ինտուսդրիայի մուտքը, որին արդեւք հանդիսացաւ Սուլթանական պետութիւնը իր ասիական միապետութիւնը կանդուն պահելու համար: Յնչւած իր տնտեսական հիմքերի մէջ, հարկերով բեռնաւորւած եւ աւազակների ու կառավարութեան ձեռքով թալանւած ու մորթւած, հայ ժողովուրդը սկսեց շարժւել:

Այդ շարժումն առաւ ազգային իդէօլօգիայի կերպարանք, որին եւ արձագանք եւ զարկ տւեց Կովկասի ինտելիգենցիան: Այսպէս լինելով, Հայկական շարժումը զանուժ է պատմական անհրաժեշտ երեւոյթ, որն ունի իր տնտեսական պատճառները:

Կովկասի հայ պրօլետարիատն ինչպէս որն պարտա-

(*) «Պրօլետարիատ» քիւ 1 էջ 9:

ւոր է ընդարձակել իր մասաւոր աշխարհը, ճիշդ ըմբռնումն ունենալով այլեւայլ երկրների մէջ կատարւած հասարակական երեւոյթների մասին, նա պէտք է եւ ճանաչէ հայկական շարժման էութիւնն ու պատճառները, մանաւանդ որ լեզւի եւ գրականութեան նոյնութիւնը նրան աւելի ընտանի է դարձնում Տաճկահայերի հետ: Պատմականօրէն ըմբռնած հայկական շարժումը, իրրեւ տնտեսական դրանտիֆօրմացիա նախ ճանաչելով նրա անհրաժեշտութիւնը եւ ընդունելով որ այն վերջ պիտի գտնէ միայն կապիտալիզմի մուտք գործելով, լինի այդ Եւրոպական գերիշխանութեամբ թէ հայկական նահանգների ալտոնօմիայով, եւ միւս կողմից ենթադրելով որ քանի Եւրոպական պետութիւնների յարաբերութիւնը զէպի թիւրքիան անխախտ է, կազմակերպւած ժողովրդային ապստամբութիւնը կարող է որոշ հետեւանքների հասնել, Կովկասի Հայ Սօցիալ-Դէմօկրատիան պէտք է կողմնակից լինի այդպիսի յեղափոխութեան: Այս հանգամանքն անկասկած չէ արդեւքում նրան թէօրիական եւ դասակարգային տեսակէտից քննադատել մեր յեղափոխական կուսակցութիւնները, ինչպէս նաեւ կազմակերպւած ապստամբութեան տեսակէտից քննութեան ենթարկել նրանց գործնական ձեռնարկները: Այս հանգամանքը չէ արդեւքում նաեւ բացառել միանգամայն յեղափոխութեան եւ ապստամբութեան հնարաւորութիւնը, եթէ այս կամ այն քաղաքական փոփոխութիւնը մասնէ Եւրոպայի եւ թիւրքիայի մէջ, եւ կամ եթէ Տաճկահայ ժողովուրդը միանգամայն անընդունակ ներկայանայ այդպիսի ապստամբութեան:

Հայկական հարցի հետ կապւած է «Պրօլետարիատ»-ի կարծիքը Հնչակեան Կուսակցութեան մասին: Նրա ասելով վերջինս սօցիալ-դէմօկրատիական սկզբունքների անունով «ձեւափոխեց» հայկական իրականութիւնը: Եւ «Պրօլետարիատ»-ը շարունակում է «Նազարբէգ իր

Մօցիայիզիւն եւ Հայկական շարժումը, աշխատութեան մէջ ճգնում էր ապացուցանել որ Տաճկահայաստանում բան-
 ւորական կռիւ գոյութիւն ունի: Մի երկրի մասին սր
 դեռ կապիտալիստական կազմը չէ ընդունել, ասել թէ
 բանւորական այն էլ արիւնահեղ կռիւ կայ, այնպիսի
 արտւերը եղբակացութիւն է որ միանգամայն ծիծաղ է
 առաջ բերում քիչ թէ շատ մտածող մարդու մէջ: (*)

Նախ Նազարբէյ պղպիսի վերնագրով «աշխատու-
 թիւն» չէ ունեցել, այլ տպագրել է եօթ էջերից բաղկացած
 գերմաներէն մի յօդւած "Հայկական հարցը եւ սօցիալիզմ"
 վերնագրով, որի մասին է անկասկած "Պրօլետարիատ"ի
 խօսքը: Այս մանրամասնութիւնը բնորոշ է ա՛յն տեսա-
 կէտից որ վերջինս իր "ձեւափոխում" տեղեկութիւնները
 քաղում է երրորդական բերաններից: Այդ յօդւածի մէջ
 Նազարբէյ ասում է. "անտեսական զարգացման եւ
 անտեսական պայմանների կապիտալիստական բնաւո-
 րութիւնը օրէցօր աւելի պարզ երեւան է դալիս, ստեղ-
 ծելով իր պատմական զուգընթաց երեւոյթը—պրօլետա-
 րիատը": (**)
 Պազանիք է թէ "Պրօլետարիատ"ը ո՞րտեղից է
 առել "բանւորական արիւնահեղ կռիւ" արտայայ-
 տութիւնը: Երեւի նա իր տեղեկութիւնը քաղել է
 "Մուրճ"ից, (***) իրանից եւս ենթադրելով թէ քանի որ
 Նազարբէյ գործածել է "պրօլետարիատ" բառը, ուրեմն
 եւ ասած կ'լինի թէ "Տաճկահայաստանում բանւորական
 արիւնահեղ կռիւ կայ": Այստեղ "Պրօլետարիատ"ի եւ
 Նազարբէյի դերերը փոխւում են իրրեւ "քիչ թէ շատ

(*) "Պրօլետարիատ" թիւ 1 էջ 10:

(**) «Die Neue Zeit» No. 42 XIV Jahr. I I b. 1895—
 1896. A. Nazarbek—Die Armenische Frage und der
 Socialismus p. 498

(***) «Մուրճ» 1896 թիւ 4 Գ. Խաժակեան «Հարկերը
 Տաճկաստանում»:

մտածող, եւ "ծիծաղ առաջ բերող": Գալով Նազարբէյի
 յիշւած յօդւածին եւ առնասարակ "Հնչակ"ի ուղղու-
 թեան, մենք ստիպւած ենք միայն բաւականանալ այն
 նկատողութեամբ, որ, "Հնչակ"ը երբէք ոչ սօցիալիստա-
 կան օրդան է եղել, ոչ այդպիսի կուսակցութիւն է կազմել
 եւ ո՛չ էլ հայկական իրականութիւնը խեղաթիւրել է
 սօցիալիզմի անունով: "Պրօլետարիատ"ի յիշւած նոյն
 ամբողջ յօդւածի մէջ Նազարբէյ միայն պաշտպանում է
 Տաճկահայաստանի անկախութեան խնդիրը ճիշտ այն
 ծաւալով, ա՛յն տեսակէտից եւ ա՛յն հիմքերի վրայ որպէս
 ընդունւած է այդ մեր հասարակութեան մէջ եւ մեր
 յեղափոխականների կողմից: Սօցիալիզմի մասին ակ-
 նաբերները միայն իրրեւ աննշան եւ համառօտ հատւած,
 միջանկեալ եւ անջատ տեղ են բռնում յօդւածի սկիզբը:
 Էսպէս "Հնչակ"ը սօցիալիզմի սկզբունքներն է միայն
 աղաւաղել, թէ այդ յօդւածով եւ թէ 15 տարւայ ըն-
 թացքի մէջ իրրեւ միայն ինտելիգենտ սիրող մի քանի
 չնչին թարգմանութիւններով եւ բռնազբօսիկ յառա-
 ջարաններով սօցիալիզմի մասին, իրրեւ մի անջատ աշ-
 խատանք, եւ զուրկ դասակարգային ըմբռնումից, նա
 կազմել է իր զուտ ազգային յեղափոխական կուսակցու-
 թիւնը հայ հասարակութեան ամէն խաւերից, իր 15
 ամեայ մտաւոր եւ գործնական ոյժերը նւիրելով միայն
 եւ բացառապէս Տաճկահայաստանի անկախութեան
 գործին: (*)

Սակայն այս ամենը «Պրօլետարիատ»ն ասում է
 կողմնակի ապացուցանելու համար որ Տաճկահայաս-
 տան մի երկիր է «որ դեռ կապիտալիստական կազմ չէ
 ընդունել եւ սօցիալ-դէմօկրատիական զաղափարները

(*) Տեւ «Հանդես» 1900 թիւ 1 մեր յօդւածը «Հայ
 սօցիալիստ կուսակցութիւն» եւ մեր «Իրազիր Հայ սօցիալ-
 դէմօկրատ կուսակցութեան» նախաբանը, 1901:

ո՛չ մի գործադրութիւն չեն կարող ունենալ» այնտեղ: (*) Ապա ուրեմն բնական է որ ըստ «Պրօլետարիատ»ի Տաճկա-Հայաստանի մէջ սօցիալիզմ, տնտեսական խնդիրներ, եւ ո՛րեւէ առնչութիւն կո՛վկասի պրօլետարիատի եւ Տաճկահայ ո՛րեւէ տարրի հետ «ծիծաղ պիտի յարուցանեն քիչ թէ շատ մտածող մարդու մէջ»: Տաճկաստանի մէջ կապիտալիզմ չ՛կայ—այս խօսքերը որոճացել են անդադար ամենքը, առանց երբէք որոշելու երկրի տնտեսական պայմանները: Այս կարծիքը չափազանց սիրելի է «Դրօշակ»ին, որ եւ կրկնել է այն թէ մամուլի(**) եւ թէ ժողովների մէջ: Նրա համար միանգամայն ձեռնտու է որ ո՛չ մի նոր հոսանք եւ անջատումն մուտք չ՛գործէ երկրի մէջ, ուր նա ձգտում է տիրապետել իբրեւ ազգային-յեզափոխական կուսակցութիւն: Պ. Սաժակնեան գրում էր. «հայ գաղթականին կամ քրդի ու վաշխառուի ձեռքից սար ու քօլ ընկած հայ մուրացիկին պրօլետարիատ տիրողութեան եւ նրանց վզին փաթաթեցին զանազան թէօրիաներ»(***) Այս կարծիքն է որ կրկնում են «Պրօլետարիատ»ի ներկայացուցիչները, երեւակայելով անկասկած թէ խօսում են սօցիալիզմի եւ իրականութեան վրայ հիմնւած, «Մուրճ» ամսագիրն իրանց առաջնորդ ունենալով:

Բայց անա իրականութիւնը, որը սակայն պէտք է ըմբռնել: Ներկայի մէջ խոշոր արդիւնաբերութիւնն, իբրեւ մասնակի երեւոյթ, հաստատուել է Տաճկա-Հայաստանի միայն մի քանի կեդրոնների մէջ, ինչպէս նաեւ

(*) «Պրօլետարիատ» քիւ 1 էջ 10

(**) «Դրօշակ» 1891 թ. 1, եւ 1894 թ. 7, 8, նաեւ գրանստեղծակցիւրը 1896 ի Լոնսօնի սօցիալ-միջազգ. կոնգրեսին

(***) «Մուրճ» 1896 քիւ 4—5 «Հարկերը Տաճկաստանում» էջ 453. Տես այդ առիթով մեր յօդածը «Ամերիկայի Հայ բանւորները», «Հասկոյի» 1900 քիւ 2.

Եւրոպական ապրանքները մուտք գործելով երկիր, քայքայում են տեղական արդիւնաբերութեան այլեւայլ ճիւղերը: Թէեւ Տաճկա-Հայաստանի մէջ տիրող սիստէմն է մանր արդիւնաբերութիւն եւ մանր երկրագործութիւն, սակայն երկիրն այսօր տազնապում է մի ծանր կրիզի մէջ, որը պայմանաւորւած է մանր արդիւնաբերութեան եւ մանր երկրագործութեան վերջնական ազօնիայով եւ խոշոր արդիւնաբերութեան ու խոշոր երկրագործութեան անխուսափելի պահանջով: Այսպիսի պայմանների մէջ պարզ է որ այնտեղ բացակայում է ինդուստրիական պրօլետարիատ, թէեւ, կրկնում ենք, այլեւայլ կեդրոնների մէջ գործում են ցիրուցան բանւորներ: Սա նախապատրաստական վիճակ է, երբ հայ սօցիալիստները կարող են հրապարակել նեւ, հիմքը դնելով սօցիալիստական կազմակերպութեան, տարածելով սօցիալիզմի սկզբունքները, բացառելով երկրի տնտեսական վիճակն եւ դասակարգերի յարաբերութիւնները, ինչպէս նաեւ բանակուելով մեր յեզափոխական կուսակցութիւնների դէմ: Բայց կայ մի այլ հանգամանք: Հէնց ներկայ երկրագործութեան եւ նրա ազօնիայի մէջ կատարում է հողերի կեդրոնացման պրօցէսը: Երկրի ամեն կողմերն ստաջ է եկել եւ ստւարանում է երկրագործական մի նոր քարը, որ յայտնի է մարաքայ (metayer, Meier) անունով: Մարաբաների մի մասն այսօր հասուն տարր է, պատրաստ վերածւել ինդուստրիական պրօլետարիատի, սակայն ինդուստրիայի բացակայութեան պատճառով, այդ տարրը գլխաւորապէս գաղթում է Ամերիկայ, կազմելով այնտեղ պրօլետարիատ դասակարգ: Նրանց միւս մասն երկրի մէջ, զուրկ գործիքներից եւ հողից, այլեւայլ պայմաններով վարձւած հողատէր գիւղացիների եւ խոշոր հողատէրերի մօտ կազմում է գիւղական բանւոր դասակարգ: Անա այդ մարաքայ դասակարգն է որ ներկայ պայմանների տակ

հիմք պիտի լինի սօցիալիստ կուսակցութեան կազմութեան Տաճկա-Հայաստանի մէջ, մինչեւ որ մօտիկ ապագան երկաթուղիները(*) եւ գործարանների հետ կ'ընդունեն ինդուստրիական պրօլետարիատ: (**)

Բացի Տաճկա-Հայաստանից մենք արդէն ունենք ինդուստրիական պրօլետարիատ Ամերիկայ, Բուլղարիայ, Եգիպտոս եւ այլն: Դասակարգային համերաշխութիւն՝ եւ լեզու ու գրականութեան նոյնութիւնը պէտք է մօտեցնէ միմեանց այդ երկրների եւ Կովկասի հայ պրօլետարիատը, որով միայն նրանք կ'զարգանան եւ կ'գործեն պատմական ընդարձակ հօրիզոնի մէջ, գիտակից իրանց դերի եւ իրանց պարտականութիւնների վերաբերմամբ:

Այլ անգամ մենք կ'իսուենք ընդարձակօրէն թէ Տաճկա-Հայաստանի, եւ թէ Կովկասի Հայ պրօլետարիատի եւ Տաճկահայ մարաբայ դասակարգի յարաբերութեան մասին, ինչպէս նաեւ Կովկասի Հայ Սօցիալ-Դեմօկրատիայի բռնելիք դիրքի եւ ունենալիք դերի մասին դէպի Հայկական հարցը եւ դէպի մեր յիզափոխական կուսակցութիւնները:

(*) Երկաթուղիների վերաբերմամբ *sku Ze Marché Financier* 1901—1902 *№* 746—758, եւ *von Pressell-Heschemin de fer en Turqui d'Asie*

(**) *Sku «Հանդէս»* յիշած յղածները եւ «Ծրագիր Հայ Սօցիալ-Դեմօկրատ Կուսակցութեան»:



2013

« Ազգային գրադարան

ՀԱԻԲ



NL0040769

«ՀԱՅ ՍՕՑ. ԴԷՄՕԳՐ. ԿՈՒՍԱԿՅՈՒԹԵԱՆ» ՀՐԱՏԱՐԱԿՈՒԹԻՒՆՆԵՐԸ

1	„Հանդիս, սոցիալիստ. օրդան, 1900 թիւ 1 գինը	1 1/2 ֆ.
2	„Հանդիս”	” 1 1/2 ”
3	„Հանդիս”	” 1 1/2 ”
4	„Հանդիս”	” 2 1/2 ”
5	Պրագիր Հայ Սօց. Դեմոկր. Կուսակցութեան	0,50 ”
6	Եր. Պաշեան—Վայ Սօցիալ դեմոկր. միութիւն՝ ը եւ իր Պրօլետարիատ, օրգանը—	0,60 ”

ՇՈՒՏՈՎ ԿՄՏՆԷ ՄԱՄՈՒԼԻՒ ՏՍԿ

- 7 Եր. Պաշեան Սօցիալիզմ եւ «Հայ Յեղափոխ. Իւշակակցութիւն»
- 8 Եր. Պաշեան Սօցիալիզմ եւ «Հնչակեան Կուսակցութիւն»
- 9 Եր. Պաշեան Լազրեանցեանի Վերագործութիւն, ը ֆննկ. տեսք.

Գ Ի Մ Ե Լ

Մ. Է. Wander—Genève (Suisse)

Գ Ա Ռ Ն Ի Կ Գ Մ Ա Ջ Մ Ա Ն Ե Ա Ն

Գ Բ Ա Վ Ա Ն Ա Ռ, Թ Ղ Թ Ա Վ Ա Ն Ա Ռ

Տպագրիչ, Հրատարակիչ եւ

Գ Ո Ր Ծ Ա Կ Ա Լ, Թ Ե Ր Թ Ե Ր Ո Ւ

Բ Ո Ւ Ս Չ Ո Ւ Ք

Բացի առեւտրական բուրձերէ, որոնք կը պատրաստէ բոլորովին նորանաւակ եւ զեղեցիկ, կը տպագրէ ու կը հրատարակէ առեւ գրքեր եւ հանդէսներ՝ նախանձեղի մտքաբեւոյժ եւ անհրձեղի զննում:

Օգտակար հեղինակութիւններու եւ բարգմանութիւններու հրատարակութեանը համար բացառիկ դիւրութիւններ կը նմայէ ու կը տարածէ գտնուող:

Իբրեւ գործակալ «Մարտի»ի «Հանդէս Ամսօրեայ»ի Լոյսի եւ այլ Հայերէն ու Գրանգրեւ հանդէսներու՝ պատրաստէ ծառայելու իրեն դիմողներուն:

«Մարտի»ի տարեկանը միամտապէս վճարելու դիւրութիւնը չունեցողներուն իր պատասխանատուութեանը սակ առ հետ դիւրութիւններ կուտայ:

Handwritten signature



